

[Sápmi](#) 6.10.2016 klo 11:07

Vuoden Muistiteko 2016 -bálkkašupmi SámiSosterii

SámiSoster searvvi ságadoalli Ristenrauna Magga fas oažžu erenomášmáinnašumi iežas guhkes barggus sápmelaš boaresolbmuid ja muitobuhcciidivššu ovddideamis.



SámiSoster searvvi ságadoalli Ristenrauna Magga Govva: Yle

Vuoden Muistiteko 2016 -dovddastusbálkkašupmi addojuvvo SámiSoster rs:i mávssolaš barggus sápmelaš muitobuhcciiguin. Earret eará searvvi Muittohallat-Muistutella -prošeavtta ulbmilin lea doarjut ja nannet sápmelaš muitobuhcciid oppalaš doaibmannávccaid ja virkuivuoda.

Dasa lassin prošeavtta ulbmilin lea veahkehit muittohuvvan olbmuid orruma ruovttus ja nuppe dáfus doarjut buohcci lagasolbmuid muitobuoalmasvuodain deaivvadeamis. Prošeavttas vuodđun leat olbmuid iežaset doaibmannávccat, nanusvuodat, vásáhusat ja oainnut árgabeaivvis. Doaibma lea ollašuhhton sámiid iežaset kultuvrra vuodul ja sámegillii.

Searvvi ságadoallái erenomašmáinnašupmi

RAO:a Eloisa ikä -prográmmii gullelaš prošeavttas ulbmilin leage maid ovddidit kultursensitiivvalaš bargovugiid. Earenoamášmáinnašupmi Vuoden Muistiteko 2016 -bálkkašumis

addojuvvo SámiSoster rs ságajodiheaddji Ristenrauna Maggai, guhte lea guhká ja mávssolaččat bargan sápmelaš boaresolbmuid ja muitobuhcciiddivššu ovddidemiin.

Magga lea iežas doaimmaiguin váikkuhan maiddái dasa, ahte Lappi guovllusámegeiddain leat aktiivvalaččat ovddidišgohtán dáid áššiid ja geahččalan oaččuhit muitobarggu máhttima seamma dássái buot gielddain.

Bálkkašupmi geigejuvvo bearjadaga

Suomen muistiasiantuntijat ry lea juohkán Vuoden Muistiteko -dovddastusbálkkašumi jagi 1994 rájes. Dat mieđihuvvo ovttaskas olbmui dehe servošiidda, mat leat iežas doaimmaiguin ovddidan muittohuvvan olbmuid buori divššu ollašuvvama. Dál 23. gearde juhkkovuvvon dovddastusbálkkašumi sturrodat lea 1 000 euro.

Vuoden Muistiteko 2016 -dovddastusbálkkašupmi geigejuvvo Valtakunnallinen muistifoorumi (riikkadási muitoforum) -dáhpusas bohte bearjadaga Helssegis.

Suomen muistiasiantuntijat rs lea jagis 1990 vuodđuduvvon ovtastus, man ulbmilin lea muittuhuvvan olbmuid buori eallima ja buresveadjima ovddideapmi ámmátolbmuid bokte. Ovtastus váikkuha mearrádusaid dahkamii, juohká muitobuožalmasvuodaide gullelaš dieđu, buvttada materiála ja skuvle dáinna lágiin ovtastusa láhtuid máhtu nannemiin buorida muittohuvvan olbmuid bálvalusaid.